

և Առաքել Դաւրիթեցին Քէօռ-Օղլուն համարում է ժՁ. դարու վերջերում ապրող ջալալի քուրդ իշխան<sup>1</sup>: Սակայն ով որ կարդացել է Ա. Դաւրիթեցու պատմութեան մէջ ջալալի քուրդերի, այս մարդ հրէշների, արարմունքը մեր երկրում, դժուար կարողանայ հաւատալ, որ մի այսպիսի հրեշ ցեղի հրեշաւոր իշխանը մի երկրի պատուհաս լինելով հանդերձ՝ նորա ժողովուրդներին սիրելի դիւցազն դառնայ: Գուցէ կարելի էր կարծել, որ ջալալիների մէջ էլ եղել է որ և է մէկը Քէօր-Օղլի անունով, ինչպէս որ 1795—1840 թուականը Տրապիզոնի կողմերում<sup>2</sup>: Բայց երբ Ա. Դաւրիթեցին Քօռ-Օղլու մասին յուեկացնում է. «Որ բազում խաղ է ասացեալ՝ զոր այժմ աշուղներն եղանակեն» և անմիջապէս յարում. «Գլիր-օղլի Մուստաֆա բէկ ու մարդով (ապստամբեցաւ ի Թագաւորէն)», և սա ևս ընկեր է Քօռօղլոյն՝ զոր յովով տեղիս ի մէջ իւր խաղին զսա յիշէ», այդ ցոյց է տալիս, որ խօսքը ժողովրդական վէպի դիւցազն Քէօռ-Օղլու մասին է, որ նա շփոթում է մի համանուն ճալալի իշխանի հետ: Քանի որ Քէօռ-Օղլուն է վերագրւում միջնադարեան ասպետների խօսքը. «Երբ վառօդն երևեցաւ, անձնական քաջութիւնը կորաւ», ուստի նա վառօդի գիւտի ժամանակակից է համարուել, և ուրեմն դիւցազն Քէօռ-Օղլին ժՁ. դարու վերջերից շատ առաջ էր ապրում:

Արդ մեր այս փոփոխակի ծանօթութեամբ մի այլ մեկնութիւն է տրուում Քուռկիճ ճալալուն: «Ճալալ էլ ի՞նչ է.—ճալաթ, այսինքն ճալաթ, ամենին տաս ոտքի տակ, զարկես սպանես». ուրեմն ճալաթ նշանակում է ըստ այսմ ջալլաթ, այսինքն դահիճ. մի ժողովրդական անարժէք լեզուարանական բացատրութիւն, որով այս երկու բառերը պատահական նմանութեամբ կապուում են: Այսօր էլ ժողովուրդը Գեղարդ ուխտ գնալուց յետոյ՝ ծնած աղայի անունը Գեղամ գնելով իրար է կապում այդ ոչ մի նմանութիւն չունեցող անուններն էլ լոկ պատահական սկզբնական հնչիւնների նոյնութեամբ, որ մեզ յիշեցնում են Թորենացու Արագած, Մասիս և այլ անունների բացատրութիւնները: Սակայն ջալաթ կամ ջալադ ձեւը ունին միայն մի քանի փոփոխակներ, 17 փոփոխակներից ընդամենը երեքը<sup>3</sup>. մինչդեռ մնացեալները»

1. Ա. Դաւրիթեցի Պատմ. էջ 87. Վաղարշապատ, 1896:

2. Ս. Հայկունի. Յուսէփիցի Ազգատոհմ եւ տարօրինակ աւագակ Արքիեօս Տրապիզոնի նայ դիւզերու մէջ. § 7, էջ 55. Վաղարշապատ 1903:

3. «Քուռկէ—Ջալլաթին (№ 5 Ա. փոփոխակ, Գ. էջ 29, 50). Քուռկէ—Ջալադին» (№ 42. դ. էջ, 66—68. Քուռկէ—Ջալադ, դ. էջ 72) եւ «Քուրկէջալաթ» կամ «Քուրկէջալադ» (№ 45 էջ 7—8 (41—42). 42 (46). 22—24 (56—58) եւ այլն: